

7



寧澹齋全集卷之七目錄

五言排律

題白龍應禱爲吳白雪卻俟

謝晉王園亭宴集

賦得日華承露掌

館課

早春飲問水亭

秋祀恭謁

長陵

館課

鄔年伯七十雙壽頌言二十二韻

董中翰歸葬還

朝賦贈二十韻



立夏日同秦國傅姜給諫劉光祿劉以修

集清道觀得更字 有小引

萬壽節賜百官寶鈔 館課

贈吳郡侯考績

沈刺史院中佛手柑盛生却賦

秦封公七十

送彭山人

青浦潘震問攜尊遠將因出尊公遺像索

贊感亡情別不勝悵然

送海寧郭明府入覲

贈孟封公

寧澹齋全集卷之七

句章楊守勤克之甫著

同社姚孟燿汝行甫校

五言排律

題白龍應禱爲吳白雪郡侯

亢陽憂郡牧精意感龍嘘曝禱同環艾齋心勝  
暴巫白蛟方應祝黑蜮乍前驅霹靂隨車洒滂  
沱遍埜濡靈崑翻石燕花嶼沸浮珠虛魃威消  
盡桐魚法不須萁萁原上草濯濯水邊蒲

胎重結遲禾穎誕敷籌車紛入望蹇鼓旋交  
父老歌酬束兒童樂罷零誰云神聽遠勿謂拙  
誠迂瞬息通靈貺馨香積感孚治平應第一聚  
宇仰蘇枯

謝晉王園亭宴集

冀野分圭重麟振夙著名畫塵工鳳尾燾土甃  
珠纓舊牒豐枝遠新綸炳日明藏書抽二酉開  
閣集羣英邸第連蓬島兔園象海瀛松陰如蓋  
偃蘭氣飭藜生淇竹菁菁茂庭槐燁燁榮水簾  
垂洞府風榭遶蓉城玉砌花磚合璇題斗杓橫  
鳥窺逕艸落魚浴蓼蒲輕旣集崑崙圃還飛金  
石聲綺筵羅鼎膳仙樂按瑤笙雅度初堪挹虛  
懷久愈傾千秋良翰譽三接使臣情醉德難爲  
頌稱詩即事成願言崇令問樂善軼東平

賦得日華承露掌

館課

秋空濡湛露旭日晃清暉色射金莖燦香浮翠  
靄微凝脂初散彩承曉欲沾衣雙闕參差麗高  
臺獸浥晞萬方迎解澤九野仰離輝在赫欬

被傾葵願永依

蚤春飲問水亭

春朝鳴雨過山氣入簾清問水餘寒在凭欄細  
蘚生花明鳥初下艸嫩馬徐行畫舫喧簫鼓華  
筵競狷觥少年環蹋鞠游女拾芳蘅簪佩解襖  
集貂璫樂事并摩碑探往蹟倚閣眺春耕藉艸  
頻呼酒敲枰屢淪茗雁歸沙浦遠日落嶺雲橫  
烟火千村合蘼蕪四埜平撫琴魚出聽度曲鳥  
和聲典劇忘歸路相將步月明

秋祀恭謁

長陵

館課

灑景逢霜露園陵展肅雍燕山紆氣脉碣石瓊  
靈封帳殿陳牲早緹城列騎重秋壇來舞鶴老  
檜欲翔龍絕漢皇威暢垂基王氣鍾遺弓空抱  
泣奈打挹仙踪

鄔年伯七十雙壽頌言二十二韻

山居接何境石室與金堂烟霞芸館合歲月藥  
欄藏律行惟醇謹傳家有義方清名標月旦逸  
格侶義皇市義曾焚券推仁更倒囊萊衣人

老姜被誼何減髮婦聞收養通租亦代償  
誰比潔德耀與齊芳籍籍休聲起隆隆德譽彰  
夜珠輝寶樹鼉采耀扶桑簪紱風雲集庭闈姓  
氏揚漫誇三釜奉重接五花章大隱名山重殊  
榮世閥昌春陽喬木麗秋爽菊英香難老還偕  
老韜光載錫光丹臺籍久註瑤艸日應長綠玉  
仙翁杖青精海客糧四明原咫尺三島任相羊  
乍進安期棗初傳王母觴孫枝森遶砌袍笏佇  
連床帝眷高年里人欽通德鄉史臣猶子誼獻  
祝可能忘

董中翰歸葬還 朝賦贈二十二韻

侍臣才藻富秘省筆花鮮爲抱翩離慕時歌鳩  
羽篇陳情還故里酒淚顛蒼天但得營佳兆何  
殊見及泉精誠通冥漠眷顧速幽玄地勢開綿  
邈川原並蜿蜒雲深宜豹隱氣煥卜牛眠啓窆  
祥雲合燔黃瑞靄躡龍岡堪彷彿鳳穴出蹠蹠  
徙倚松楸下徘徊馬鬣前首丘甘自老返築欲  
忘年柰可王程促能虛詔命宣行行重張蓬

去更留連艤繫絲綸地身依日月邊仙班  
列旅夢輒驚纏漢典榮稽古周儀遠象賢麟臺  
垂燕翼鷄樹映蟬聯世澤弓裘衍封章鳳鼎懸  
皇恩濡湛露帝德洽重淵矢報情何極南山永  
不騫

立夏日同秦國傅姜給諫劉光祿劉比部

小集清道觀得更字

在小引

四月四日立夏小集清道觀喜宿雨初  
霽清風送涼晚來月魄微生江潮乍漲

疊雲吐岫返景流霞短具時陳新茗屢  
供因思朱旗應節方傾動乎長安赤鷺  
臨軒正歡騰于近侍爰茲感興託咏斯

言

玄宮快登眺片刻暑寒更丹鳥乘時至朱雲出  
岫橫花飛還作態燕舞故多情單袷迎風適深  
杯度暑輕峰嵐浮檻入江月蕩潮平薜荔香熏  
酌櫻桃艷列盛開枰落子捷分韻雅歌賡雨脚  
隨春去晴光入夏明水秧憐競插隴麥喜



象應羣星集歡來四美并談鋒宵轉劇酒庫  
頻傾漫說身爲寄何來心若醒風塵悲世路荏  
苒惜浮生忽憶長安客趨朝沐寵榮

萬壽節賜百官寶鈔

館課

繞殿迎符日瞻天祝聖秋嵩呼傳鷺序虎拜肅  
螭頭乍沐楓宸寵驚頒楮幣優璽文輝玉篆寶  
貫協龜籌捧玩珍同璧歸藏襲若鏐堯天應過  
曆利用樂鴻庥

贈吳郡侯考績

海國徵天厚君侯布德深分符垂福曜下軌沛  
甘霖清悟任棠水廉揮閱道琴明威馴鱷暴精  
意表龍吟竹箭東南美蒲鞭遠邇欽尊開江稻  
稔舟泛月湖潯喂壘爭歌德梯航集貢琛神功  
無擾動元氣自歸斟績奏三年最忠葵五位心  
書屏經御筆前席遲華簪借寇情方切留种意  
不禁史臣揚盛美百世仰徽音

沈刺史院中佛手柑盛生却賦

豈是菩提樹移從香水涯通身出四手

金葩非指擬真訣舒尖露慧牙  
許木奴誇洵美祇園種業生刺史家常疑香  
襲時得法雲遮蒼菊清應遜優雲芳並加摘  
離翠骨剖處落霜瓜滲齒流甘液濡心轉法華  
空中呈色相掌內結烟霞疑灌曹溪水曾培無  
量沙羅公應未嗅仙術可能效佞佛原非性傳  
棋事已奢懷茲珍異品遮莫賦靈芽

秦封公七十

洪宇盤靈氣名山挺至人含元心獨古吞  
生春術探桐君秘丹傳葛氏真尊生解世網服  
氣抱玄神塞兪三緘密從躬四重純庭槐曾手  
植鄴架待時新績奏花封滿香浮粉署勻元方  
既卓絕難弟更超倫歌鹿隨偕計懸弧正及辰  
褒章來鳳闕衫服出楓宸錦里冠紳集芳筵尊  
俎陳觀泉濠濮意度世宰官身種德情田富留  
餘性地醇藟階薰葭覆麟定瑞振振詒穀垂經  
術行歌愜隱淪稀齡飄鶴髮偃步傲蒲輪揮塵  
談飛屑登樓興轉頻天孫增玉歷仙府益

人在羲皇上輝纒而極垠試看雲閣下千載  
莊椿

送彭山人

客自巴渝至詩追元白豪春穠穿月峽雲吐夢  
花毫履跡周名岳譚鋒屈怒濤時毫多結納險  
路獨週遭一諾輕懸劍千金欲贈刀臨風忘謙  
劇會景輒登高賦雪梁司馬題梅何水曹乍逢  
傾羽蓋睽就醉醇醪老去童顏駐丹成仙骨牢  
何當旋握別瞻望轉心勞

青浦潘震問攜樽遠將因出尊公遺像索

贊感亡惜別不勝悵然

博士開賢胤風流有二方文應追屈宋書雅法  
鍾王氣吐青萍壯歌裁白雪長芳尊敦夙好古  
誼越尋常握別情逾劇臨岐興轉狂青溪驩共  
泛遠道欲相將物態悲雲雨心期惜景光遺風  
仍傲骨砥行鮮柔腸金石盟方固墳篋誼莫忘  
層霄看舉鳳九陌佇飛黃惆悵瞻遺像殷勤慰  
肯堂褒崇推燕翼奕葉顯珪璋惜別無言贈

茲代報章

送海寧郭明府入覲

最績今朝奏清風五載餘琴鳴春晝靜鶴舞訟  
庭虛其道推科拙偏聞扞網踈桑麻隨地種桃  
李入春舒令去還留犢民醇解釋魚瑣垣知待  
汝諫草好傳予

贈孟封公

鳳闕覃恩重鸞坡洊寵新淵源推秀谷潛德溯  
靈椿洵美人中瑞懷茲儒者珍雕鏤羞未技擊  
曲耻濡津煮海原非忘逃名暫避身相羊同市  
隱倘易出風塵展業恢家世遺經啓後人抽繯  
傾鄴架鏤鑄感蕭晨逸足俱超乘白眉蚤絕倫  
掄文魁宇宙曳履躡星辰白雪歌誰和青藜筆  
有神大猷資黼藻國命藉絲綸聲價傳丹扆褒  
崇錫紫宸光榮夸翁斲天性自含醇軒冕安吾  
素夷猶率道真華尊闢北海壽極耀南垠堂捧  
雙龍誥車推兩皂輪茹芝舒綺皓逸部駕義民  
試問君誰是高陽管老荀

寧澹齋全集卷之七

終

寧澹齋全集卷之八目錄

七言排律

朱無易年丈守德安

謁龍郡丞祠

有引

齋頭樂

寧淮齋全集卷之八

句章楊守勤克之甫著

同社姚孟燿汝行甫校

七言排律

朱無易年丈守德安

詞壇獨擅錦官城  
熊軾遙臨西楚程  
斷獄雅推朱博望  
度支曾識仲卿名  
滇南桃李春華茂  
棹水旄倪喜色迎  
入部甘霖隨地散  
夾轅雙鹿導前行  
浮雲樓接長安近  
車蓋亭搖夜月明  
七

風猷今未泯好同張寇播芳聲

謁龍郡丞祠

有引

祠在清道觀之左公署篆時嘗捐俸贖  
山歸觀手題小洞天邑人因剏祠茲地  
歲久漸圯今再新之予爲謁奠

仁侯尸祝幾經年廟貌重開小洞天豈是買山  
稱地主却緣思德祀前賢恩波不斷三溪雨伏  
晴長依萬井烟一去絳帷空擁座獨懸彩筆大  
如椽武陵花發人何在峴首碑豐蹟共傳惆悵  
情深無以報趨陪俎豆願爭先

齋頭樂

幽齋兀坐任磐桓滿案陳編久不攤茶竈有烟  
親注水薰鑪着炭手然檀乍寒乍煖天難測時  
咏時吟室轉寬細雨侵堦春艸潤輕風入幕午  
琴闌杯中綠蟻頻教盡庭外名花恣意繁徙倚  
小欄誰作侶穿林新鳥語聲謹

寧澹齋全集卷之八

終

寧澹齋全集卷之九目錄

五言絕句

四時雜咏

飲碧雲寺三首

別雲巖一首

薛方詠

孤賞

乙巳除夜同吳上于年丈守歲賦得一年  
將盡夜萬里未變人十韻



苦雨四首

又四時雜詠

巧谿漫興

秋思二首

吳門遠眺

鐘聲

乍暑

贈鍊士

贈伴雲上人一首

題芥

百歲野仙

寧澹齋全集卷之九

句章楊守勤克之甫著

同社姚孟燿汝行甫校

五言絕句

四時雜詠

崑蘿隨意老澗艸細生花萬樹圍春色東君是  
謝家

薰風輕拂檻竹光初照亭試鼓姚皇曲池魚欲  
出聽

茉莉架東籬采之漉新酒皓月正當空對酌

三友

江頭漁火出城角鼓聲傳飲倦方貪睡寒威上  
毳氈

飲碧雲寺三首

月落空林冷言僧已入定客子獨豪吟大擊雲  
堂磬

雲堂宜夜坐寂寂衆籟沉輕風忽度竹如奏雲  
和音

萬慮此俱忘妙香聞薝蔔悠然見我心無聲亦  
無色

別雲巖二首

欲假長房壺欲攜彌勒袋收拾雲岩歸滿袖烟  
霞在

纔從白嶽別復作黃山遊黃山望白嶽咫尺白  
雲浮

薛方詠

自水真人出箕山高士全不獨桐江釣罷吟

萬懸

孤賞

徙倚幽岩下  
清泉瀉我心  
鶴穿松竹影  
孤賞發清吟

乙巳除夜同吳上于年丈守歲賦得一年  
將盡夜萬里未歸人十韻

深宵猶足娛  
莫嘆年華疾  
燭花初發時  
玉漏傳籌一

辛盤聊共醉  
此意却悠然  
多少長安客  
今宵若

度年

今夕誠何夕  
偏宜更漏長  
家人應祝竿  
百歲願相將

索米羞生計  
杖頭日以窘  
霜鬢漸催人  
斗酒憑君盡

已深濁世感  
復對歲華謝  
送故與迎新  
不寢問此夜

莫信鍊形盤  
持杯且繾綣  
百年強飯身  
六千并三萬

碌碌滯京都畢歲風塵裏知己各一方梅花寄  
千里

命酌典未闌數問夜將旣肅衣欲趨朝朝常陳  
與未

坐久渾無厭頻聽玉漏稀斑衣欣再整朝罷擬  
先歸

高堂雙白髮明日更添新只此情誰語應傳雁  
字人

苦雨四首

積雨庭爲沼空梁茂草聳天心何日猷極目未  
央宮

聞說郊原外泱泱水接天算舟徵榷者飛矢挽  
行船

生靈需穴久況復苦灑霆曳尾憐魴頰寧無歎  
陸沉

災稔頻歲見祭祀苦難禳安得排雲手從空捧  
末光

又四時雜詠

幽花次第放鳥語自堪憐上苑明如錦東風  
着鞭

荷開成碧障魚戲葉頻掀醉向池亭臥香生枕  
簟邊

當階梧葉墮松陰隔院來懷人千里遠愁絕莫  
登臺

瑞雪漫空舞寒威不可當爐中煨芋熟此味與  
僧嘗

巧谿漫興

林疎曉日寒樹淡秋雲淨不斷巧谿聲樵歌互  
相應

秋思二首

爽氣蕭高旻雁字雲間落搔首淒復吟幽情苦  
離索

碧落光千頃蘆花照水寒攜尊對明月清影上  
闌干

吳門遠眺

不于穿吳徑踟躕望越山白雲杳萬處極目

相關

鐘聲

獨坐秋光好  
纖雲淨不生  
山僧欣得句  
半夜起鐘聲

乍暑

麥候每清和  
山居驟煩暑  
人從北地來  
云方苦  
霖雨

贈鍊士

有丹不在鼎  
有火不在爐  
識得玄中妙  
神仙即

我徒

贈伴雲上人二首

夙慧證如來  
妙解優曇法  
接引衆多僧  
齊去參菩薩

能解虎項環  
不落黑風船  
超然登彼岸  
吾以許  
祁連

題芥

性烈同姜桂  
香清勝蓼萋  
寄言肉食者  
銷滯頗  
相宜

百歲野仙

唯上餐霞客  
丰華百歲新  
不傳胎息法  
驕視玉堂人

寧澹齋全集卷之九

終